

BOSNA I HERCEGOVINA
Federacija Bosne i Hercegovine
UNSKO SANSKI KANTON
OPĆINA BOSANSKA KRUPA



SLUŽBENI GLASNIK

Općina Bosanska Krupa

Godina XXVI – Broj 4.	24. april 2020. godina Bosanska Krupa	Izdaje se na bosanskom jeziku
-----------------------	--	----------------------------------

SADRŽAJ

4/20

R/B.	NAZIV AKTA	Br.str.
1.	Odluka o subvencioniranju	464.
2.	Odluka o subvenciji iznosa redovne kamate poslovnim subjektima	467.
3.	Zaključak o davanju saglasnosti na Odluku o imenovanju vršioca dužnosti direktora JP „Radio Bosanska Krupa“ d.o.o. Bosanska Krupa	469.
4.	Zaključci	469.

Na osnovu člana 8. stav 3. alineja 9. i člana 13. stav 2. alineja 5. Zakona o principima lokalne samouprave („Službene novine Federacije Bosne i Hercegovine“, broj:49/06 i 51/09), člana 28. Statuta općine Bosanska Krupa- prečišćeni tekst 1 („Službeni glasnik općine Bosanska Krupa“, broj:10/17), a u vezi sa Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine, Općinsko vijeće općine Bosanska Krupa, na prijedlog Općinskog načelnika, na svojoj III vanrednoj sjednici održanoj dana 23.4.2020. godine, donosi:

ODLUKU o subvencioniranju

Član 1.

Ovom Odlukom zbog stanja nesreće proglašene Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj: 06-40-2112/20 od 17.3.2020. godine utvrđuju se korisnici prava na subvenciju, uslovi, način, postupak za ostvarivanje prava, sredstava za finansiranje, nadležni organ kao i druga pitanja od značaja za pravo na privremeno subvencioniranje plaćanja komunalnih naknada, naknada za privremeno korištenje javnih površina i troškova komunalnih usluga-odvoza otpada.

Član 2.

Subvencioniranje, u smislu ove Odluke, podrazumijeva plaćanje cjelokupnog ili dijela iznosa komunalne naknade utvrđenog rješenjem Službe za komunalno-stambene poslove i infrastrukturu, cjelokupnog iznosa naknade za privremeno korištenje javnih površina utvrđenog rješenjem Službe za komunalno-stambene poslove i infrastrukturu i ugovorom zaključenim između Općine Bosanska Krupa i korisnika javne površine i cjelokupnih ili dijela troškova komunalnih usluga-odvoza otpada po izdatim računima od strane JKP „10. Juli“ Bosanska Krupa, iz Budžeta Općine Bosanska Krupa.

Član 3.

Pravo na subvenciju ostvaruju pravna i fizička lica obveznici komunalne naknade, korisnici javnih površina na području općine Bosanska Krupa i korisnici komunalnih usluga kojima je Naredbom Federalnog štaba civilne zaštite broj:12-40-6-148-26/20 od 19.3.2020. godine, broj: 12-40-2-148-26-1/20 od 27.3.2020. godine i broj: 12-40-6-148-93/20 od 3.4.2020. godine, Naredbom Kriznog štaba Općine Bosanska Krupa broj:01-40-2110/20 od 18.3.2020. godine, Naredbom Općinskog štaba civilne zaštite Bosanska Krupa broj:ŠCZ-40-114/20 od 23.3.2020. godine, broj:ŠCZ-40-114-1/20 od 30.3.2020. godine i broj:ŠCZ-40-114-2/20 od 4.4.2020. godine zabranjeno obavljanje djelatnosti, kao i ona fizička i pravna lica čije je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine bilo otežano, a prema Spisaku djelatnosti i vrste poslovnih subjekata koji je sastavni dio ove Odluke.

Pod pravnim i fizičkim licima u smislu ove Odluke se podrazumijevaju pravne i fizičke osobe koje su registrirane za obavljanje određene djelatnosti (u daljem tekstu: pravna i fizička lica).

Član 4.

Pravo na subvenciju cjelokupnog ili dijela iznosa komunalne naknade utvrđenog rješenjem Službe za komunalne djelatnosti, vode, zaštitu okoliša i inspeksijske poslove ostvaruju:

- samostalni poduzetnici kojima je naredbama iz člana 3. zabranjeno obavljanje djelatnosti ili im je onemogućeno obavljanje djelatnosti priznaje se pravo na subvenciju u 100% iznosu i to počev od stupanja na snagu Naredbe, odnosno od 18.3.2020. godine do 31.12.2020. godine,
- samostalni poduzetnici kojima je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine bilo otežano priznaje se pravo na subvenciju u 50% iznosu i to počev od stupanja na snagu Odluke, odnosno od 18.3.2020. godine do 31.12.2020. godine,
- privredna društva kojima je naredbama iz člana 3. zabranjeno obavljanje djelatnosti ili im je onemogućeno obavljanje djelatnosti priznaje se pravo na subvenciju u 100% iznosu i to počev od stupanja na snagu Naredbe, odnosno od 18.3.2020. godine do 31.12.2020. godine,
- privredna društva kojima je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine bilo otežano priznaje se pravo na subvenciju u 50% iznosu i to počev od stupanja na snagu Odluke, odnosno od 18.3.2020. godine do 31.12.2020. godine.

Član 5.

Pravo na subvenciju cjelokupnog iznosa naknade za privremeno korištenje javnih površina utvrđenog rješenjem Službe za komunalne djelatnosti, vode, zaštitu okoliša i inspeksijske poslove infrastrukturu i ugovorom zaključenim između Općine Bosanska Krupa i korisnika javne površine ostvaruju:

- pravna i fizička lica kojima je naredbama iz člana 3. zabranjeno obavljanje djelatnosti priznaje se subvencija u 100% iznosu i to počev od stupanja na snagu Naredbe, odnosno od 18.3.2020. godine do isteka roka od 30 (trideset) dana od dana donošenja odluke o prestanku stanja nesreće na području općine Bosanska Krupa,
- pravna i fizička lica čije je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine bilo otežano priznaje se subvencija u 50% iznosu i to počev od stupanja na snagu Odluke, odnosno od 18.3.2020. godine do isteka roka od 30 (trideset) dana od dana donošenja odluke o prestanku stanja nesreće na području općine Bosanska Krupa.

Član 6.

Priznaje se pravo na subvencioniranje cjelokupnog ili dijela troškova komunalnih usluga-odvoza otpada po izdatim računima od strane JKP „10. Juli“ d.o.o. Bosanska Krupa kako slijedi:

- pravnim i fizičkim licima kojima je naredbama iz člana 3. zabranjeno obavljanje djelatnosti priznaje se subvencija u 100% iznosu i to počev od stupanja na snagu Naredbe, odnosno od 18.3.2020. godine do isteka roka od 30 (trideset) dana od dana ukidanja zabrane obavljanja djelatnosti
- pravnim i fizičkim licima čije je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine bilo otežano priznaje se subvencija u 50% iznosu i to počev od stupanja na snagu Odluke, odnosno 18.3.2020. godine do isteka roka od 30 (trideset) dana od dana donošenja odluke o prestanku stanja nesreće na području općine Bosanska Krupa.

Fizička i pravna lica zahtjev za ostvarivanje prava na subvencioniranje cjelokupnog ili dijela troškova komunalnih usluga-odvoza otpada podnose JKP „10. Juli“ d.o.o. Bosanska Krupa koje spisak fizičkih i pravnih lica koji ostvaruju pravo na subvenciju sa naznačenim iznosima subvencija i brojevima izdatih računa i mjesecom na koji se subvecija odnosi dostavljaju Službi za finansije koji vrše uplatu subvencija na račun JKP „10. Juli d.o.o. Bosanska Krupa.

Član 7.

O pravu na subvencioniranje cjelokupnog iznosa komunalne naknade za pravna i fizička lica kojima je naredbama iz člana 3. zabranjeno obavljanje djelatnostipo po službenoj dužnosti odlučuje općinski načelnik rješenjem putem Službe za komunalne djelatnosti, vode, zaštitu okoliša i inspeksijske poslove.

O pravu na subvencioniranje djelimičnog iznosa komunalne naknade za pravna i fizička lica čije je obavljanje djelatnosti od dana stupanja na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj: 06-40-2112/20 od 17.3.2020. godine bilo otežano po službenoj dužnosti odlučuje općinski načelnik rješenjem putem Službe za komunalne djelatnosti, vode, zaštitu okoliša i inspeksijske poslove.

O pravu na subvencioniranje cjelokupnog iznosa naknade za privremeno korištenje javnih površina za pravna i fizička lica iz člana 5. ove Odluke po službenoj dužnosti odlučuje općinski načelnik rješenjem putem Službe za komunalne djelatnosti, vode, zaštitu okoliša i inspeksijske poslove.

O pravu na subvencioniranje cjelokupnog ili dijela troškova komunalnih usluga-odvoza otpada po zahtjevu fizičkih i pravnih lica odlučuje JKP „10. Juli“ d.o.o. Bosanska Krupa.

Rješenjem o subvencioniranju iz stava 1.,2. i 3. ovog člana će se utvrditi korisnik prava na subvenciju, iznos subvencije, mjesec na koji se subvencija odnosi, te ostale potrebne podatke.

Ukoliko je neki od obveznika iz člana 4. i 5. ove Odluke izvršio uplatu obaveza za periode naznačene u članovima 4. i 5. ove Odluke po službenoj dužnosti putem Službe za komunalne djelatnosti, vode, zaštitu okoliša i inspeksijske poslove donijet će se rješenje o povratu uplaćenih sredstava obvezniku.

Protiv prvostepenog rješenja u roku od 15 dana od dana prijema rješenja može se izjaviti žalba Komisiji za zaštitu ljudskih prava i građanskih sloboda Općinskog vijeća Općine Bosanska Krupa. Odluka Komisije za zaštitu ljudskih prava i građanskih sloboda Općinskog vijeća Općine Bosanska Krupa po žalbi je konačna.

Konačna rješenja o subvenciji i rješenja o povratu uplaćenih sredstava se dostavljaju Službi za finansije radi provođenja.

Član 8.

U pogledu provođenja postupka, te ostalih pitanja koja nisu uređena ovom Odlukom primjenjivat će odredbe Zakona o upravnom postupku i ostalih važećih propisa.

Član 9.

Zadužuje se Služba za finansije da izradi izmjene i dopune Budžeta Općine Bosanska Krupa za 2020. godinu kojim će se osigurati sredstva potrebna za subvencioniranje određeno ovom Odlukom.

Član 10.

Za realizaciju ove Odluke zadužuje se Općinski načelnik putem Službe za komunalne djelatnosti, vode, zaštitu okoliša i inspeksijske poslove i Službe za finansije.

Član 11.

Ova Odluka stupa na snagu danom objavljivanja u „Službenom glasniku Općine Bosanska Krupa“.

SPISAK DJELATNOSTI

Šifra djelatnosti	Djelatnost čiji je rad zabranjen	Subvencija za 2020.g. (%)
45.20	Održavanje i popravak motornih vozila	100
47.71	Trgovina na malo odjećom	100
47.72	Trgovina na malo obućom	100
47.77	Trgovina na malo satovima i nakitom	100
47.78	Ostala trgovina na malo novom robom u specijaliziranim prodavnicama	100
47.79	Trgovina na malo rabljenom robom	100
od 47.80 do 47.99	Trgovina na malo na štandovima i tržnicama i ostala trgovina na malo izvan prodavnica, štandova i tržnica	100
od 55.10 do 56.30	Ugostiteljstvo	100
od 62.01 do 62.09	Računsko programiranje, savjetovanje i djelatnosti u vezi s njima	100
74.20	Fotografska djelatnost	100
77.12	Iznajmljivanje i davanje u zakup predmeta za ličnu upotrebu i domaćinstvo	100
79.10	Djelatnosti putničkih agencija i turoperatera	100
82.92	Djelatnosti pakovanja	100
85.10	Predškolsko obrazovanje	100
85.53	Vozačke škole	100
86.23	Djelatnosti stomatološke prakse	100
od 95.11 do 95.12	Popravak računara i periferne opreme i popravak komunikacijske opreme	100
od 95.21 do 95.23	Popravak električnih uređaja za široku potrošnju, popravak aparata za domaćinstvo te opreme za kuću i vrt i popravak obuće i proizvoda od kože	100
95.24	Popravak namještaja i pokućstva	100
95.25	Popravak satova i nakita	100
95.29	Popravak ostalih predmeta za ličnu upotrebu i domaćinstvo	100
96.02	Frizerski i drugi tretmani za uljepšavanje	100
96.04	Djelatnosti za njegu i održavanje tijela	100
96.09	Ostale lične i uslužne djelatnosti	100

Šifra djelatnosti	Djelatnost čiji je rad otežan	Subvencija za 2020.g. (%)
od 05.10 do 09.90	Vađenje ruda i kamena	50
od 10.11 do 10.13	Prerađivačka industrija-Prerada i konzerviranje mesa i proizvodnja mesnih proizvoda	50
od 10.20 do 10.62	Prerađivačka industrija	50
10.71	Proizvodnja kruha, svježih peciva i kolača	50
od 10.72 do 33.20	Prerađivačka industrija	50
od 45.11 do 45.19	Trgovina ostalim motornim vozilima i trgovina automobilima	50
45.32	Trgovina na malo dijelovima i priborom za motorna vozila	50
od 47.11 do 47.29	Trgovina na malo hranom, pićima i duhanskim proizvodima	50
47.30	Trgovina na malo motornim gorivima	50
od 47.41 do 47.43	Trgovina na malo računarima, perifernim jedinicama i softverom u specijaliziranim prodavnicama, telekomunikacijskom opremom, audio i	50

	<i>video opremom</i>	
47.50	<i>Trgovina na malo ostalom opremom za domaćinstvo</i>	50
47.60	<i>Trgovina na malo knjigama u specijaliziranim prodavnicima (knjižare)</i>	50
47.65	<i>Trgovina na malo igrama i igračkama</i>	50
47.73	<i>Veterinarske apoteke</i>	50
47.74	<i>Trgovine na malo medicinskim preparatima i ortopedskim pomagalima</i>	50
47.75	<i>Trgovina na malo kozmetičkim i toaletnim proizvodima</i>	50
47.76	<i>Trgovina na malo cvijećem, sadnicama, sjemenjem, gnojivom</i>	50
69.10	<i>Pravne djelatnosti</i>	50
69.20	<i>Računovodstvene, knjigovodstvene i revizijske djelatnosti, porezno savjetovanje</i>	50
71.10	<i>Arhitektonske i inženjerske djelatnosti i s njima povezano tehničko savjetovanje</i>	50
74.30	<i>Prevodilačke djelatnosti i usluge tumača</i>	50
74.90	<i>Ostale stručne, naučne i tehničke djelatnosti</i>	50
75.00	<i>Veterinarske djelatnosti</i>	50
77.11	<i>Iznajmljivanje i davanje u zakup motornih vozila</i>	50
77.30	<i>Iznajmljivanje i davanje u zakup ostalih mašina, opreme te materijalnih dobara</i>	50
77.40	<i>Davanje u zakup prava na upotrebu intelektualnog vlasništva i sličnih proizvoda osim radova koji su zaštićeni autorskim pravima</i>	50
82.11	<i>Kombinirane kancelarijske, administrativne, uslužne djelatnosti</i>	50
82.19	<i>Fotokopiranje, priprema dokumenata i ostale specijalizirane kancelarijske pomoćne djelatnosti</i>	50
96.01	<i>Pranje i hemijsko čišćenje tekstila i krznenih proizvoda</i>	50

Broj: 01-02-98-1-1/20
Dana: 23.4.2020. godine

**PREDSJEDAVAJUĆA
OPĆINSKOG VIJEĆA**
Elvira Mehić s.r.

Na osnovu člana 8. stav 3. alineja 9. i člana 13. stav 2. alineja 5. Zakona o principima lokalne samouprave („Službene novine Federacije Bosne i Hercegovine“, broj:49/06 i 51/09), člana 28. Statuta općine Bosanska Krupa- prečišćeni tekst 1 („Službeni glasnik općine Bosanska Krupa“, broj:10/17), a u vezi sa Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine, Općinsko vijeće općine Bosanska Krupa, na prijedlog Općinskog načelnika, na svojoj III vanrednoj sjednici održanoj dana 23.4.2020. godine, donosi:

ODLUKU

o subvenciji iznosa redovne kamate poslovnim subjektima

I

- 1) Ovom Odlukom utvrđuju se kriteriji, uslovi, način i postupak dodjele subvencija iz budžeta Općine Bosanska Krupa (u daljem tekstu: Općina) za iznos redovne kamate na kredite poslovnim subjektima, koji su u uslovima prirodne nesreće, odnosno stanja usljed epidemije korona virusa „covid-19“ naročito pogođeni (u daljem tekstu: Korisnik subvencije).
- 2) Ukupan iznos sredstava za dodjelu subvencija ne može biti veći od 50.000,00 KM, a obezbjeđuje se iz Budžeta Općine Bosanska Krupa.
- 3) Pod poslovnim subjektima u smislu ove odluke smatraju se pravna lica i samostalni preduzetnici.
- 4) Pod davaocima kredita u smislu ove odluke smatraju se pravna lica kojima dozvolu za rad daju entitetske Agencije za bankarstvo.

II

- 1) Korisnik subvencije može biti poslovni subjekt:
- čije je sjedište na teritoriji općine;

- kojem je zabranjeno ili otežano obavljanje djelatnosti aktima Federalnog i/ili Općinskog štaba civilne zaštite, u skladu sa osnovnom djelatnošću poslovnog subjekta;
- koji ima pad prometa 20 % i više u periodu 1.1.-30.4.2020. godine u odnosu na 1.1.-30.4.2019. godine,
- koji na dan 29.02.2020. godine nema dospjelih, a neizmirenih obaveza prema Općini, po bilo kojem osnovu.

- 2) Spisak djelatnosti i vrste poslovnih subjekata iz podtačke 1. alineja 2. ove tačke, kojima je zabranjeno ili otežano obavljanje djelatnosti aktima Federalnog i/ili Općinskog štaba civilne zaštite i na koje se primjenjuju odredbe ove odluke, priprema Služba za obrt, poljoprivredu i poduzetništvo i biće objavljen na zvaničnoj internet stranici Općine.

III

- 1) Subvencija redovne kamate se može odobriti ako su kumulativno ispunjeni sljedeći uslovi:
- namjena kredita je finansiranje obrtnih ili osnovnih sredstava, za likvidnost ili za refinansiranje kredita po navedenim osnovama;
 - iznos kredita nije veći od 20.000,00 KM;
 - ugovor o kreditu je zaključen nakon stupanja na snagu ove odluke, odnosno počev od 1.2.2020. godine ukoliko je namjena kredita iz alineje 1. podtačke 1. ove tačke;
 - rok otplate kredita nije duži od dvije godine.
 -

IV

- 1) Općina subvencionira cjelokupni iznos redovne kamate ako je nominalna kamatna stopa do 7% na ugovoreni iznos kredita.
- 2) Ako je kamatna stopa veća od 7% na ugovoreni iznos kredita, uključujući i promjenjivu kamatnu stopu, Općina subvencionira redovnu kamatu obračunatu po stopi od 7% na ugovoreni iznos kredita, a preostalu razliku troškova kamate plaća korisnik subvencije.
- 3) Isplata subvencije vrši se nakon dostavljanja dokaza da je korisnik subvencije izvršio uplate anuiteta prema davaocu kredita sa kojim ima zaključen ugovor.
- 4) Korisnik subvencije dostavlja dokaze o uplatama anuiteta Službi za obrt, poljoprivredu i poduzetništvo mjesečno, ali ne kasnije od 15 dana od dana uplate anuiteta.
- 5) Općina ne odgovara za obaveze korisnika subvencije u slučaju kašnjenje plaćanja anuiteta ili za druge troškove nastale u vezi korišćenja kredita.
- 6)

V

- 1) Za dodjelu subvencija raspisuje se javni poziv, kojim se, u skladu sa ovom odlukom, utvrđuju uslovi za dodjelu subvencije, a koji traje do 31.12.2020. godine.
- 2) Prijava za dodjelu subvencije podnosi se na način utvrđen javnim pozivom, na obrascu u Prilogu 1. koji čini sastavni dio ove odluke.
- 3) Uz prijavu za dodjelu subvencije prilaže se:
 - ovjerena kopija ugovora o kreditu;
 - ovjerena kopija plana otplate kredita;
 - izvod ili ovjerna kopija izvoda o upisu u nadležni registar;
 - obavještenje o razvrstavanju poslovnih subjekata po klasifikaciji djelatnosti, koje za privredna društva izdaje Federalni zavod za statistiku, a za samostalne preduzetnike utvrđuje se uvidom u službene evidencije, odnosno registre Općine.

VI

- 1) Podnesene prijave kontinuirano razmatra komisija, koju imenuje Općinski načelnik.
- 2) Komisija nakon sprovedenog postupka, sedmično dostavlja Općinskom načelniku listu korisnika subvencije koji ispunjavaju uslove iz ove odluke, a koja obavezno sadrži naziv i JIB / JMB korisnika subvencije i iznos subvencije i koja se objavljuje na zvaničnoj internet stranici Općine.
- 3) Podnosilac prijave ima pravo prigovora u roku od 8 dana od dana objave liste, koji se podnosi Općinskom načelniku.
- 4) Ukoliko je ukupan iznos svih dodijeljenih subvencija dostigao iznos iz tačke I podtačka 2) ove odluke, javni poziv se zatvara.

VII

- 1) Subvencija se odobrava Odlukom općinskog načelnika, svakom korisniku subvencije pojedinačno.
- 2) Odluka se dostavlja korisniku subvencije i Službi za finansije.
- 3) Raspisivanje javnog poziva, pomoć u radu komisije i izrada odluka o dodjeli subvencije u nadležnosti je Službe za obrt, poljoprivredu i poduzetništvo i Službe za upravljanjem razvojem, a isplata sredstava subvencije je u nadležnosti Službe za finansije.

VIII

Zadužuje se Služba za finansije da izradi izmjene i dopune Budžeta Općine Bosanska Krupa za 2020. godinu kojim će se osigurati sredstva potrebna za subvencioniranje određeno ovom Odlukom za ovu budžetsku godinu.

IX

Ova odluka stupa na snagu danom objavljivanja u „Službenom glasniku Općine Bosanska Krupa“.

Broj: 01-02-98-2-1/20
Dana: 23.4.2020. godine

PREDSJEDAVALA
OPĆINSKOG VIJEĆA
Elvira Mehić s.r.

Na osnovu člana 28. Statuta Općine Bosanska Krupa-prečišćen tekst 1 («Službeni glasnik Općine Bosanska Krupa broj:10/17) i člana 92. stav 7. Poslovnika Općinskog vijeća Općine Bosanska Krupa («Službeni glasnik Općine Bosanska Krupa broj:8/18), na prijedlog Općinskog načelnika, Općinsko vijeće općine Bosanska Krupa, na svojoj III vanrednoj sjednici održanoj dana 23.4.2020. godine, donosi:

ZAKLJUČAK

o davanju saglasnosti na Odluku o imenovanju vršioca dužnosti direktora
JP „Radio Bosanska Krupa“ d.o.o. Bosanska Krupa

I

Daje se saglasnost na Odluku Nadzornog odbora JP „Radio Bosanska Krupa“ d.o.o. Bosanska Krupa broj: NO-1-2/20 od 16.4.2020. godine o imenovanju Berzada Ezića, dipl.ekonomista, iz Bosanske Krupe za vršioca dužnosti direktora JP „Radio Bosanska Krupa“ d.o.o. Bosanska Krupa na period od 16.4.2020. godine do izbora i imenovanja direktora, a najdalje do 16.7.2020. godine.

II

Ovaj Zaključak stupa na snagu danom objavljivanja u „Službenom glasniku Općine Bosanska Krupa“.

Broj: 01-02-98-3-1/20
Dana: 23.4.2020. godine

PREDSJEDAVALA
OPĆINSKOG VIJEĆA
Elvira Mehić s.r.

Na osnovu člana 28. Statuta Općine Bosanska Krupa - prečišćen tekst 1 («Službeni glasnik Općine Bosanska Krupa» broj: 10/17) i člana 92 .tačka 7. Poslovnika o radu Općinskog vijeća ("Službeni glasnik općine Bosanska Krupa",broj: 8/18.) Općinsko vijeće, na prijedlog Općinskog načelnika općine Bosanska Krupa, razmatralo je Prijedlog odluke o subvencioniranju i na III-oj vanrednoj sjednici održanoj dana 23.4.2020. godine, donosi

ZAKLJUČAK

I

Prijedlog odluke o subvencioniranju usvaja se u ponuđenom tekstu.

II

Ovaj zaključak stupa na snagu danom objave u „Službenom glasniku općine Bosanska Krupa“.

Broj: 01-02-98-1/20
Dana: 23.4.2020.godine

**PREDSJEDAVAJUĆA
OPĆINSKOG VIJEĆA**
Elvira Mehić s.r.

Na osnovu člana 28. Statuta Općine Bosanska Krupa - prečišćen tekst 1 («Službeni glasnik Općine Bosanska Krupa» broj: 10/17) i člana 92.tačka 7. Poslovnika o radu Općinskog vijeća ("Službeni glasnik općine Bosanska Krupa", broj: 8/18.) Općinsko vijeće, na prijedlog Općinskog načelnika općine Bosanska Krupa, razmatralo je Prijedlog odluke o subvenciji iznosa redovne kamate poslovnim subjektima i na III-oj vanrednoj sjednici održanoj dana 23.4.2020. godine, donosi

Z A K L J U Č A K

I

Prijedlog odluke o subvenciji iznosa redovne kamate poslovnim subjektima usvaja se u ponuđenom tekstu, s tim što:

U članu 3. stav 1. alineja 3. brojevi i riječi: „1.1.2020. godine“ mijenjaju se i glase „1.2.2020. godine“.

II

U članu 4. stav 1. mijenja se i glasi: „Općina subvencionira cjelokupni iznos redovne kamate ako je nominalna kamatna stopa do 7% na ugovoreni iznos kredita“.

III

Ovaj zaključak stupa na snagu danom objave u „Službenom glasniku općine Bosanska Krupa“.

Broj: 01-02-98-2/20
Dana: 23.4.2020.godine

**PREDSJEDAVAJUĆA
OPĆINSKOG VIJEĆA**
Elvira Mehić s.r.

Na osnovu člana 28. Statuta općine Bosanska Krupa - prečišćen tekst 1 («Službeni glasnik Općine Bosanska Krupa» broj: 10/17) i člana 92.tačka 7. Poslovnika o radu Općinskog vijeća ("Službeni glasnik općine Bosanska Krupa", broj: 8/18.) Općinsko vijeće, na prijedlog Općinskog načelnika općine Bosanska Krupa, razmatralo je Prijedlog zaključka o davanju saglasnosti na Odluku o imenovanju vršioca dužnosti direktora JP „Radio Bosanska Krupa“ d.o.o. Bosanska Krupa i na III-oj vanrednoj sjednici održanoj dana 23.4.2020. godine, donosi

Z A K L J U Č A K

I

Prijedlog zaključka o davanju saglasnosti na Odluku o imenovanju vršioca dužnosti direktora JP „Radio Bosanska Krupa“ d.o.o. Bosanska Krupa usvaja se u ponuđenom tekstu.

II

Ovaj zaključak stupa na snagu danom objave u „Službenom glasniku općine Bosanska Krupa“.

Broj: 01-02-98-3/20
Dana: 23.4.2020.godine

**PREDSJEDAVAJUĆA
OPĆINSKOG VIJEĆA**
Elvira Mehić s.r.
